

Održana radionica “Licenciranje prostornih podataka Federacije Bosne i Hercegovine”

14.07.2026 10:24



Radna grupa Vijeća IPP FBiH za uvjete licenciranja i Federalna uprava za geodetske i imovinsko-pravne poslove (FGU) 14.07.2026. godine je održala radionicu posvećenu licenciranju prostornih podataka, namijenjenu svim subjektima IPP FBiH koji posjeduju i upravljaju prostornim podacima.

Radionica je organizovana u hibridnom formatu – najveći dio učesnika pratio ju je uživo u prostorijama FGU, dok se određeni broj prijavljenih učesnika opredijelio za online praćenje putem Webex platforme. Ukupno je 26 predstavnika Subjekata IPP FBiH prisustvovalo radionici.

U okviru radionice obrađene su sljedeće teme:

1. Uvod u licenciranje prostornih podataka FBiH – dr.sc. Mirza Ponjavić
2. Odluka o općim uslovima za licenciranje prostornih podataka FBiH – gosp. Semir Huremović
3. Okvir licenciranja za IPP FBiH – tipovi licenci – dr.sc. Jasmin Taletović
4. Metapodaci za licence – zahtjevi – gosp. Rešad Zorlak
5. Primjeri primjene okvira licenciranja FGU i Zavoda za planiranje – gosp. Amel Žilić

Nakon prezentacija uslijedila je diskusija, u okviru koje su učesnici imali priliku postaviti pitanja i razmijeniti stavove o praktičnoj primjeni okvira licenciranja prostornih podataka u svojim institucijama.

Radionica predstavlja nastavak aktivnosti IPP FBiH usmjerenih na uspostavu jedinstvenih pravila i standarda za razmjenu i korištenje prostornih podataka na nivou Federacije Bosne i Hercegovine, u skladu sa INSPIRE principima.

FGU zahvaljuje svim učesnicima na aktivnom učešću i ostaje otvorena za dalju saradnju sa subjektima IPP FBiH po pitanjima licenciranja i upravljanja prostornim podacima.

Kontakt za dodatne informacije: ipp.fbih@fgu.com.ba